

漢  
魏  
叢  
書

十

虞夏書

中  
經

忠經序

忠經者蓋出於孝經也仲尼說孝者  
所以事君之義則知孝者俟忠而成  
之所以答君親之恩明臣子之今忠  
不可廢於國孝不可弛於家孝既有  
經忠則猶闕故述仲尼之說作忠經

爲今

皇上含庖軒之姿韞勛華之德弼賢俾  
能無遠不舉忠之與孝天下攸同臣  
融巖野之臣性則愚朴沐浴德澤其  
可默乎作爲此經庶少裨補雖則辭  
理薄陋不足以稱爲忠之所存存於

勸善勸善之大何以加於忠孝者哉  
夫定高卑以章目引詩書以明綱吾  
師於古曷敢徒然其或異同者變易  
之宜也或對之以象其意或遷之以  
就其類或損之以簡其文或益之以  
備其事以忠應孝亦著為十有八章

忠經  
所以洪其至公勉其至誠信本為政  
之大體陳事君之要道始於立德終  
於成功此忠經之義也謹序

後漢南郡太守馬融撰

忠經序終

忠經引

十二連城子過舅氏畫岡翁出故簏  
馬融忠經一帙曰漢文也苦非善本  
子有志焉盍圖之廼得而環徧祇誦  
携之西蜀因竊嘆曰父子者命不可  
解者也君臣者義不可逃者也虞夏



渺而至道離春秋作而亂人懾讀詩  
賞錫類之音廢卷切履迹之憶忠其  
闔舒於孝乎矧心非膏肓可絆名與  
岱崧同隆故如金如石王常之播朗  
心而若鸞若鴻周氏之標高義淵範  
傳於劉偉粹訓炤於陽城忠之不可

一日已也有是哉融也研本校源揭  
一訓忠諫天地君臣上下內外而言  
之總於臣道為詳焉詞不煩而義炯  
論不詭而理精融其負輿識哉此鄭  
玄之所以疏之也夫漢史謂融俊才  
博學美辭貌典校秘書為南郡守先

是逡巡隴漢髡徙朔方禁錮之者累  
年著述良繁仍以忠經遺世君子每  
多之云廼西第獻頌終以奢樂黨附  
識不能匡歆蒙譏焉讀者何可遂廢  
邪是故觀昌言則思用邁英辟則思  
答允有丹石之蘊尚其應時而發矣

于是出廩餘以繡諸梓

子次出教師之教

忠經序

忠經者漢南郡太守季長馬先生之作也先生才高學博爲世通儒蓋以人生兩間參天地而爲三才者以其忠與孝也孝之一字在孔子與曾參子輿設于問答詳載一經今爲十有

忠經  
八章義備矣忠則雖雜見于經傳子  
史之編第無全書季長先生生于漢  
安之世遠宗孔氏之學倣擬孝經而  
作忠經辭詳議備爲一十八章而門  
人鄭玄復爲註解其扶世立教嘉惠  
後進何如惜乎述作之後世遠言湮

子弟習讀但知孝經之所以爲孝而  
不知忠經之所以爲忠深有昧乎前  
賢作經之旨陽自早歲先君子授是  
經曰孝者忠之原忠者孝之推二經  
宜並行而不可偏也陽謹習讀蓋亦  
有年今既廁職蘇庠遇春官况侯爲



忠經  
卷一  
柱石大臣之薦

王敕金章來守是邦凡其居官守職爲  
國爲民之政莫非忠孝先之焉而爲  
詩曰報國一心何日盡思親雙淚幾  
時乾惓惓盡已之誠與此經若合符  
然由是繕寫一本奉爲覽觀侯忻然